

Apelaciono vijeće Suda BiH povećalo kaznu narkodileru

Aliju Lokaju 12 godina zatvora

Tužilaštvo se žalilo na visinu kazne od sedam godina

Apelaciono vijeće Suda BiH povećalo je kaznu Aliju Lokaju (58) iz Kosova, međunarodnom dileru heroina i skanka, na 12 godina zatvora. Prvostepenom presudom Lokaj je osuđen na sedam godina, na šta je državna tužiteljica Diana Kajmaković uložila žalbu, tražeći da mu se kazna poveća.

Nakon što je u novembru prošle godine priznao krivicu na glavnom pretresu, optuženi Ali Lokaj proglašen je krivim zato što je od jula do polovine decembra 2014. godine organizirao i rukovodio grupom, u kojoj su bili Agim Eljšani, Nijazi Muharemi, Hakija Mehović, Ner-



Privođenje u akciji "Oskar"

min Planinčić, Vidak Milić, Vahidin Dobrača i druge njima poznate osobe.

Ova dilerska grupa pala je u akciji Državne agencije za istrage i zaštitu (SIPA) kodnog naziva "Oskar". Prema navodima iz optužnice, koju je zastupala tužiteljica Diana Kajmaković, grupa se bavila međunarodnom trgovinom heroinom i skankom sa područja Makedonije, Srbije i Kosova na područje BiH, kao i sa područja BiH u Srbiju. U BiH su miješali heroin sa "paracetamolom" i "kofeinom" radi uvećavanja mase pa su ovu mješavinu prodavali u našoj zemlji i Srbiji.

Dž. Bl.